

**ПОСЛЕДОВАНИЕ**

**ПАНИХИДЫ**

## ПОСЛЕДОВАНИЕ ПАНИХИДЫ

**Диакон:** Благословѣ, владыко.

**Священник:** Благословѣн Бог наш всегда, ныне и присно и во веки веков.

**Чтец:** Аминь. **Трисвятое.** Пресвятая Троице: Отче наш: Яко Твое есть Царство: **Чтец:** Аминь. Господи, помилуй, 12. Слава, и ныне: Приидите, поклонимся: **трижды.**

### Таже псалом 90.

**Живый** в помощи Вышняго, в крове Бога небеснаго водворится. Речет Господеви: заступник мой еси и прибежище мое, Бог мой, и уповаю на Него. Яко Той избавит тя от сети ловчи, и от словесе мятежна, плещма Своима осенит тя, и под криле Его надеешися, оружием обыдет тя истина Его. Не убоишися от страха ночнаго, от стрелы летящия во дни, от вещи во тьме переходящия, от сряща и беса полуденнаго. Падет от страны твоей тысяща, и тьма одесную тебе, к тебе же не приблизится, обаче очима твоима смотриши и воздаяние грешников узриши. Яко Ты, Господи, упование мое; Вышняго положил еси прибежище твое. Не приидет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеша о камень ногу твою; на аспида и василиска наступиши, и попереши льва и змия. Яко на Мя упова, и избавлю и; покрыю и, яко позна имя Моё. Воззовет ко Мне, и услышу его, с ним есмь в скорби, измучу его и прославлю его, долготою дней исполню его и явлю ему спасение Моё.

**Слава, и ныне:** Аллилуиа, аллилуиа, слава Тебе, Боже. **Трижды.**

## Посем ектенія:

**Діакон:** Міром Гóсподу помóлимся.

**Лик:** Гóсподи, помíлуй.

**О** свѣшнем міре и спасѣнии душ на́ших, Гóсподу помóлимся.

**Лик:** Гóсподи, помíлуй.

**О** оставлѣнии согрешѣний, во блажѣнной пáмяти престáвльшихся, Гóсподу помóлимся.

**Лик:** Гóсподи, помíлуй.

**О** приснопáмятных рабѣх Бóжиих [имярек], покóя, тишинѣ, блажѣнная пáмяти их, Гóсподу помóлимся.

**Лик:** Гóсподи, помíлуй.

**О** простíти им всякое прегрешѣние вóльное и невóльное, Гóсподу помóлимся.

**Лик:** Гóсподи, помíлуй.

**О** неосудѣнным предстáти у стра́шнаго престóла Гóспода сла́вы, Гóсподу помóлимся.

**Лик:** Гóсподи, помíлуй.

**О** пла́чущих и болѣзнующих, ча́ющих Христóва утешѣния, Гóсподу помóлимся.

**Лик:** Гóсподи, помíлуй.

**О** отпустíтися им от всякíа болѣзни, печáли, и воздыхáния: и вселíти их идѣже присещáет свет лицá Бóжия, Гóсподу помóлимся.

**Лик:** Гóсподи, помíлуй.

**О** я́ко да Госпóдь Бог наш учинíт дúши их в мѣсте свѣтле, в мѣсте злáчне, в мѣсте покóйне, идѣже вси прáведнии пребывáют, Гóсподу помóлимся.

**Лик:** Гóсподи, помíлуй.

**О** причтении их в недрах Авраама, и Исаака, и Иакова, Господу помолимся.

**Лик:** Господи, помилуй.

**О** избавитися нам от всякия скорби, гнева и нужды, Господу помолимся.

**Лик:** Господи, помилуй.

**Заступи,** спаси, помилуй и сохрани нас, Боже, Твоею благодатию.

**Лик:** Господи, помилуй.

**Милости** Божия, Царства Небеснаго, и оставления грехов испросивше тем и сами себе, друг друга, и весь живот наш Христу Богу предадим.

**Лик:** Тебе, Господи.

**Возглас:** Яко Ты еси воскресение и живот, и покой усопших раб Твоих, **[имярек]**, Христе Боже наш, и Тебе славу возсылаем, со безначальным Твоим Отцем, и пресвятым и благим и животворящим Твоим Духом, ныне и присно и во веки веков.

**Лик:** Аминь.

**Глас 8:** Аллилуиа. **Трижды.**

**Стих 1:** Блажени, яже избрал, и приял еси, Господи.

**Стих 2:** Память их в род и род.

**Стих 3:** Души их во благих водворятся.

**Тропарь, глас тойже:**

Глубиною мудрости человеколюбно вся строяй / и полезное всем подаваяй, / Единому Содетелю, упокой, Господи, души раб Твоих, / на Тя бо упование возложима, / Творца и Зиждителя и Бога нашего. **[Дважды.]**

**Слава, и ныне:** Тебѣ и стѣну и пристѣнище ѿмамы, / и моли́твенницу благоприя́тну к Бо́гу, / Егѡже родила́ еси́, Богоро́дице безневѣстная, вѣрных спасѣние.

**И абие:**

**Благословѣн еси́, Го́споди, / научи́ мя оправда́нием Твои́м.**

**Святы́х лик обрѣте исто́чник жи́зни и дверь ра́йскую, / да обря́щу и аз путь пока́нием: / поги́бшее овча́ аз есмь, / воззови́ мя Спа́се, и спаси́ мя.**

**Благословѣн еси́, Го́споди, / научи́ мя оправда́нием Твои́м.**

**А́гнца Бо́жия проповѣда́вше, / и заклáни бѣ́вше я́коже а́гнцы, / и к жи́зни нестарѣемей святы́и, / и присносущней преста́вльшеся. / Того́ приле́жно мученицы моли́те, / долгов разрешѣние нам дарова́ти.**

**Благословѣн еси́, Го́споди, / научи́ мя оправда́нием Твои́м.**

**В путь узкий хо́ждшии приско́рбный, / вси в жити́и крест я́ко яремъ взѣмшии, / и Мне послѣдовавшии вѣрою, / прииди́те наслади́тесь, / ѿхже угото́вах вам по́честей, / и венце́в небѣсных.**

**Благословѣн еси́, Го́споди, / научи́ мя оправда́нием Твои́м.**

**Образ есмь неизречѣнныя Твоея́ славы, / а́ще и я́звы ношу́ прегрѣшѣний: / ущѣдри Твое́ создáние Влады́ко, / и очисти́ Твои́м благоутрѣбием, / и возжелѣнное отѣчество пода́ждь ми, / рая́ па́ки жи́теля мя сотвори́я.**

**Благословѣн еси́, Го́споди, / научи́ мя оправда́нием Твои́м.**

**Дре́вле у́бо от не сущих создáвый мя, / и образом Твои́м Божѣственным почты́й, / преступлѣнием же за́поведи / па́ки мя**

возвративый в землю, от неяже взят бых, / на еже по подобию  
возведи / древнею доброту возобразитися.

**Благословен еси, Господи, / научи мя оправданием  
Твоим.**

**Упокой, Боже, рабы Твоя, / и учини я в рай, / идеже лица  
святых Господи, / и праведницы сияют яко светила, / усопшия  
рабы Твоя упокой, / презирая их вся согрешения.**

**Слава:** Трисиютельное единого Божества, благочестно  
поем вопиюще: / Свят еси Отче Безначальный, /  
Собезначальный Сыне, и Божественный Духе: / просвети нас  
верою Тебе служащих, / и вечного огня исхити.

**И ныне:** Радуйся, Чистая, Бога плотию рождающая во  
спасение всех, / Еюже род человеческий обрете спасение: /  
Тобою да обрящем рай, / Богородице Чистая благословенная.

**Аллилуия, аллилуия, аллилуия, слава Тебе Боже. Трижды.**

### **Посем ектения:**

**Диакон:** Паки и паки миром Господу помолимся.

**Лик:** Господи, помилуй.

**Еще молимся о упокоении душ усопших рабов Божиих  
[имярек], и о еже проститися им всякому прегрешению,  
вольному же и невольному.**

**Лик:** Господи, помилуй.

**Яко да Господь Бог учинит души их, идеже праведнии  
упокоются.**

**Лик:** Господи, помилуй.

**Милости Божия, Царства Небеснаго и оставления грехов  
их, у Христа, безсмертнаго Царя и Бога нашего, просим.**

**Лик:** Подай, Господи.

**Диакон:** Господу помолимся.

**Лик:** Господи, помилуй.

**Священник глаголет молитву сию:** Бóже духóв и всякия плóти, смéрть попрáвый и диáвола упразднйвый, и живóт мiру Твоемú дарóвaвый: Сам, Гóсподи, упокóй дúши усóпших рабóв Твои́х [имярек], в мéсте свéтле, в мéсте злáчне, в покóйне, отнiодуже отбежé болéзнь, печáль и воздыхáние. Всякое согрешéние, содéянное íми слóвом, или́ дéлом, или́ помышлéнием, я́ко благíй человеколюбец Бог, прости́, я́ко несть человек, íже жив бúдет и не согрешít. Ты бо Едiн кроме грехá, прáвда Твоя́ прáвда во вéки, и слóво Твоé íстина.

**Возглас:** Я́ко Ты еси́ воскресéние и живóт, и покóй усóпших рабóв Твои́х [имярек], Христé Бóже наш, и Тебé слáву возсыла́ем, со безначáльным Твои́м Отцém, и пресвяты́м и благíм и животворя́щим Твои́м Дúхом, ны́не и прiсно и во вéки векóв.

**Лик:** Амiнь.

### **И глаголем седален, глас 5:**

**Покóй,** Спа́се наш, / с прáведными рабы́ Твоя́, / и сия́ всели́ во дворы́ Твоя́, / я́коже есть пiсано, / презира́я, я́ко благ, прегрешéния их / вóльная и невóльная, / и вся я́же в вéдении и не в вéдении, Человеколю́бче.

**Слава, и ныне, Богородичен:** От Дéвы возсия́вый мiру, Христé Бóже, / сýны свéта Тóю показáвый, / помiлуй нас.

### **Таже, псалом 50.**

**Помiлуй** мя, Бóже, по вели́цей мiлости Твоéй, и по мнóжеству щедрóт Твои́х очисти́ беззакóние моé. Наипáче омый́ мя от беззакóния моего́, и от грехá моего́ очисти́ мя; я́ко беззакóние моé аз знáю, и грех мой предо мно́ю есть вiну. Тебé Едiному согрешíх и лука́вое пред Тобóю сотворíх, я́ко да оправди́шия во словесéх Твои́х, и победи́ши внегда́ суди́ти Ти. Се бо, в беззакóниих зачат есмь, и во гресéх роди́ мя ма́ти моя́. Се бо, íстину возлюбíл еси́; безвéстная и та́йная

премудрости Твоея явил ми еси. Окропиши мя иссопом, и очищуся; омьёши мя, и паче снега убелюся. Слуху моему даши радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

## И абие канон, глас 6.

### Песнь 1.

**Ирмос:** Яко по суху пешешествовав Израиль, / по бездне стопами, / гонителя фараона / видя потопляема, / Богу победную песнь / поим, вопияше.

**Запевы:**

**Покой, Господи, / души усопших раб Твоих.**

**Слава Отцу и Сыну, / и Святому Духу.**

**И ныне и присно, / и во веки веков, аминь.**



### Песнь 3.

**Ирмос:** Несть свят, / якоже Ты, Гóсподи Бóже мой, / вознесый рог вёрных Твои́х, Бла́же, / и утверди́вый нас на ка́мени / исповéдания Твоегó.

**Запевы:**

**Покóй, Гóсподи, / дýши усóпших раб Твои́х.**

**Сла́ва Отцú и Сы́ну, / и Свято́му Дúху.**

**И ны́не и прýсно, / и во вéки векóв, амíнь.**

**И катавасия:** Несть свят:

### Таже ектения:

**Диакон:** Па́ки и па́ки мýром Гóсподу помóлимся.

**Лик:** Гóсподи, помíлуй.

Ещё мо́лимся о упоко́ении душ усóпших рабóв Бóжиих [имярек], и о ёже прости́тся им вся́кому прегрешéнию, вóльному же и невóльному.

**Лик:** Гóсподи, помíлуй.

Я́ко да Госпо́дь Бог учини́т дýши их иде́же пра́веднии упоко́ются.

**Лик:** Гóсподи, помíлуй.

Мíлости Бóжия, Цáрства Небéснаго и оставлéния грехóв их у Христá, безсмéртнаго Царя́ и Бóга нáшего, прóсим.

**Лик:** Пода́й, Гóсподи.

**Иерей:** Я́ко Ты еси́ воскресéние и живóт, и покóй усóпших рабóв Твои́х [имярек], Христé Бóже наш, и Тебé сла́ву возсыла́ем, со безнача́льным Твои́м Отцём, и пресвяты́м и благи́м и животворя́щим Твои́м Дúхом, ны́не и прýсно и во вéки векóв.

**Лик:** Амíнь.

## Седален, глас 6:

**В**ойстинну суета́ всяческа́я, / жити́е же сень и со́ние, / и́бо  
всу́е мятэ́тся всяк земно́родный, / я́коже рече́ Писа́ние: / егда́  
ми́р приобря́щем, / тогда́ во гроб всели́мся, / иде́же вку́пе  
ца́рие и ни́щии. / Те́мже, Христе́ Бо́же, / предста́вльши́яся  
упоко́й, / я́ко Человеколю́бец.

**С**лава, и ныне, Богородичен: Всесвятáя Богоро́дице, / во  
вре́мя живота́ моего́ не оста́ви мене́, / челове́ческому  
предста́тельству не ввэри мя, / но Сама́ заступи́ и помилуй мя.

### Песнь 4.

**Ирмос:** Христос́ моя́ сила, / Бог и Господь, честна́я  
Церковь / боголэ́пно поёт, взыва́ющи / от смы́сла чы́ста, о  
Господе пра́зднующи.

**Запевы:**

**П**окóй, Господи, / ду́ши усо́пших раб Твои́х.

**С**ла́ва Отцу́ и Сы́ну, / и Свято́му Ду́ху.

**И** ны́не и прѣ́сно, / и во ве́ки веко́в, ами́нь.

### Песнь 5.

**Ирмос:** Бо́жиим / све́том Твои́м, Бла́же, / у́треннюющих Ти  
ду́ши / любо́вию озари́, молю́ся, / Тя ве́дети, Сло́ве Бо́жий, /  
и́стиннаго Бо́га, / от мра́ка грехо́внаго взыва́юща.

**Запевы:**

**П**окóй, Господи, / ду́ши усо́пших раб Твои́х.

**С**ла́ва Отцу́ и Сы́ну, / и Свято́му Ду́ху.

**И** ны́не и прѣ́сно, / и во ве́ки веко́в, ами́нь.

### Песнь 6.

**Ирмос:** Жите́йское мо́ре, / воздвиза́емое зря напáстей  
бу́рею, / к ти́хому приста́нищу Твоему́ прите́к, вопию́ Ти: /  
возведи́ от тли живо́т мой, / Многоми́лостиве.

**Запевы:**

**Покóй, Гóсподи, / дúши усóпших раб Твои́х.**

**Сла́ва Отцу́ и Сы́ну, / и Свято́му Дúху.**

**И ны́не и прýсно, / и во вéки векóв, амíнь.**

**И катавасия:** Жите́йское мо́ре:

**Таже ектения:**

**Диакон:** Па́ки и па́ки ми́ром Гóсподу помóлимся.

**Лик:** Гóсподи, помíлуй.

Ещё мо́лимся о упоко́ении душ усóпших рабо́в Бо́жих [имярек], и о е́же прости́тся им вся́кому прегрешéнию, во́льному же и нево́льному.

**Лик:** Гóсподи, помíлуй.

Я́ко да Госпо́дь Бог учини́т дúши их иде́же пра́веднии упоко́яются.

**Лик:** Гóсподи, помíлуй.

Ми́лости Бо́жия, Ца́рства Небе́снаго и оставле́ния грехóв их у Христа́, безсме́ртнаго Ца́ря и Бо́га на́шего, прóсим.

**Лик:** Пода́й, Гóсподи.

**Иерей:** Я́ко Ты еси́ воскресе́ние и живóт, и покóй усóпших рабо́в Твои́х [имярек], Христé Бо́же наш, и Тебе́ сла́ву возсыла́ем, со безнача́льным Твои́м Отце́м, и пресвяты́м и благо́м и животворя́щим Твои́м Дúхом, ны́не и прýсно и во вéки векóв.

**Лик:** Амíнь.

**Кондак, глас 8:**

Со святы́ми упоко́й, / Христé, дúши раб Твои́х, / иде́же несть болéзнь, ни печáль, / ни воздыхáние, / но жизнь безконéчная.

**Икос:** Сам еди́н еси́ безсме́ртный, / сотвори́вый и созда́вый челове́ка: / земни́и у́бо от земли́ созда́хомся, / и в зе́млю ту́южде по́йдем, / я́коже повеле́л еси́, созда́вый мя и реки́й ми: / я́ко земля́ еси́, и в зе́млю оты́деша: / а́може вси челове́цы по́йдем, / надгробно́е рыда́ние, творя́ще песнь: / аллилу́ия.

### **Песнь 7.**

**Ирмос:** Росода́тельну у́бо пещь / соде́ла А́нгел / преподо́бным отроко́м, / халде́и же опаля́ющее / велéние Бо́жие, / мучи́теля увещá вопи́ти: / благослове́н еси́, Бо́же оте́ц на́ших.

**Запевы:**

**Покóй, Го́споди, / ду́ши усо́пших раб Твои́х.**

**Сла́ва Отцу́ и Сы́ну, / и Свято́му Ду́ху.**

**И ны́не и при́сно, / и во ве́ки веко́в, ами́нь.**

### **Песнь 8.**

**Ирмос:** Из пла́мене преподо́бным ро́су источи́л еси́ / и пра́веднаго же́ртву водо́ю попали́л еси́: / вся бо твори́ши, Христе́, то́кмо е́же хоте́ти. / Тя превозно́сим во вся ве́ки.

**Запевы:**

**Покóй, Го́споди, / ду́ши усо́пших раб Твои́х.**

**Сла́ва Отцу́ и Сы́ну, / и Свято́му Ду́ху.**

**И ны́не и при́сно, / и во ве́ки веко́в, ами́нь.**

### **Песнь 9.**

**Ирмос:** Бо́га / челове́ком невозмо́жно ви́дети, / на Него́же не сме́ют чи́ни А́нгельстии взира́ти; / Тобо́ю же, Всечи́стая, яви́ся челове́ком / Сло́во Воплоще́нно, / Его́же велича́юще, / с небе́сными во́и Тя ублажа́ем.

**Запевы:**

**Покóй, Гóсподи, / дúши усóпших раб Твои́х.**

**Сла́ва Отцу́ и Сы́ну, / и Свято́му Дúху.**

**И ны́не и прýсно, / и во ве́ки веко́в, ами́нь.**

**Таже иерей:** Богородицу и Мать Света в пёснях возвеличим.

**Лик:** Дúси и дúши праведных восхвалят Тя, Гóсподи.

**Катавасия:** Бóга челове́ком:

**Чтец:** Трисвятое по О́тче наш: **Иерей:** Яко Твоё есть Ца́рство: **Чтец:** Ами́нь.

**И абие поют тропари сия. Глас 4:**

Со дúхи праведных скончавшихся, / дúши раб Твои́х, Спа́се, упоко́й, / сохраняя их во блаже́нной жи́зни, / я́же у Тебе́, Человеколю́бче.

**В** покóищи Твоём, Гóсподи, / иде́же вси святи́и Твои́ упокоева́ются, / упоко́й и дúши раб Твои́х, / я́ко Еди́н еси́ Человеколю́бец.

**Слава:** Ты еси́ Бог соше́дый во ад, и úзы оковáнных разреши́вый, / Сам и дúши раб Твои́х упоко́й.

**И ны́не:** Еди́на чи́стая и непоро́чная Де́во, Бóга без се́мене ро́ждшая, / моли́ спасти́ся душáм их.

**Диакон глаголет:**

Поми́луй нас, Бóже, по вели́цей ми́лости Твоёй, мо́лим Ти ся, услы́ши и поми́луй.

**Лик:** Гóсподи, поми́луй, **трижды.**

Ещё мо́лимся о упоко́ении душ усóпших рабо́в Бóжиих [имярек], и о ё́же прости́тся им вся́кому прегрешéнию, во́льному же и нево́льному.

**Лик:** Гóсподи, помíлуй, **трижды.**

**Яко** да Госпóдь Бог учинíт дúши их идéже праведнии упокояются.

**Лик:** Гóсподи, помíлуй, **трижды.**

**Мíлости Бóжия, Цáрства Небéснаго и оставлénия грехóв их, у Христа́, безсмéртнаго Царя́ и Бóга нáшего, прóсим.**

**Лик:** Подáй, Гóсподи.

**Диакон:** Гóсподу помóлимся.

**Лик:** Гóсподи, помíлуй.

### **Священник глаголет молитву сию:**

**Бóже духóв и всякия плóти, смéрть попрáвый и диáвола упразднíвый, и живóт мíру Твоемú даровáвый: Сам, Гóсподи, упокóй дúши усóпших рабóв Твои́х [имярек], в мéсте свéтле, в мéсте злáчне, в мéсте покóйне, отню́дуже отбежé болéзнь, печáль и въздыхáние. Всякое согрешénие, содéянное íми слóвом, или́ дéлом, или́ помышлénием, я́ко благíй человеколóбец Бог, прости́, я́ко несть человек, íже жив бúдет и не согрешíт. Ты бо Едíн кромé грехá, правá Твоя́ правá во вéки, и слóво Твоё́ íстина.**

**Возглас:** Я́ко Ты еси́ воскресénие и живóт, и покóй усóпших рабóв Твои́х [имярек], Христé Бóже наш, и Тебé сла́ву возсыла́ем, со безначáльным Твои́м Отцém, и пресвяты́м и благíм и животворя́щим Твои́м Дúхом, ны́не и прíсно и во вéки векóв.

**Лик:** Амíнь.

**Посем диакон:** Премúдрость.

**[Священник:** Пресвятáя Богорóдице, спасí нас.]

**Лик:** Честнéйшую Херувíм / и слáвнейшую без сравнénия Серафíм, / без ислénия Бóга Сло́ва рóждшую, / сýщую Богорóдицу, Тя величáем.

**Священник:** Сла́ва Тебе́, Христе́ Бо́же, упова́ние на́ше, сла́ва Тебе́.

**Лик:** Сла́ва, и ны́не: Го́споди, поми́луй, **трижды.**  
Благослови́.

### **Иерей отпуст:**

**Живы́ми** и ме́ртвыми облада́яй, воскресы́й из ме́ртвых, Христос, и́стинный Бог наш, моли́твами Пречи́стыя Своея́ Ма́тере, святы́х сла́вных и всехва́льных Апосто́л, преподо́бных и богоно́сных оте́ц на́ших и всех святы́х, ду́ши от нас преста́вльшихся рабо́в Свои́х **[имярек]**, в селе́ниях пра́ведных учини́т, в не́драх Авраа́ма упоко́ит и с пра́ведными причте́т, и нас поми́луе́т, я́ко Благ и Человеколю́бец.

**Лик:** Ами́нь.

### **И по отпусте:**

**Диакон возглашает:** Во блаже́нном успе́нии ве́чный поко́й пода́ждь, Го́споди, усо́пшим рабо́м Твои́м **[имярек]**, и сотвори́ им ве́чную па́мять.

**Певцы поют:** Ве́чная па́мять, **трижды.**

### **Молитва над кутиею (коливом) в память усопших.**

Го́споди Бо́же наш, упова́ние всех призыва́ющих Тя и почита́ющих и́мя Твое́ Пресвято́е, и́же в па́мьть почи́вшаго раба́ Твоего́ **(имярек)** во святе́й це́ркви Твое́й предложе́нное ко́ливо и приноше́ния сия́ благослови́. И е́гоже ра́ди сия́ принесенна́ суть, во стране́ живы́х всели́, ослабле́ние тому́ и согреше́нием прощ́ение пода́ждь. Ей, Влады́ко, челове́ческую не́мощь све́дый, не вни́ди в суд с рабо́м Твои́м, и́же с ве́рою и наде́ждою к Тебе́ пресе́льшемуся. Даждь нам твори́ти во святы́ни за́поведи Твоя́ и поминáти всех от ве́ка Тебе́ преста́вльшихся в наде́жди воскресéния и жи́зни ве́чныя. Я́ко Ты еси́ воскресéние и живо́т, и поко́й усо́пших рабо́в Твои́х,

Христѣ Бóже наш, и Тебѣ сла́ву возсыла́ем, со безнача́льным  
Твои́м Отце́м, и с пресвяты́м и благи́м и животворя́щим  
Твои́м Ду́хом, ны́не и прі́сно и во ве́ки веко́в. Ами́нь.